

Nova arhitektura



U Jugoistočnoj Evropi pojavljuje se nova arhitektura, izjavio je danas u Crnoj Gori visoki predstavnik i specijalni predstavnik EU Valentin Inzko, upozorivši da dok neki politički lideri “već počinju da ovu promjenu pretvaraju u korist za svoje građane, drugi tek treba da shvate šta se oko njih događa”.

Govoreći se na diplomatskoj konferenciji u Kolašinu, visoki predstavnik i specijalni predstavnik EU je rekao da smo u protekla četiri mjeseca bili svjedoci uspostavljanja “nove arhitekture” u Jugoistočnoj Evropi. Inzko je naveo Deklaraciju o osudi srebreničkog masakra iz 1995. godine, usvojen u Parlamentu Srbije, i učestale sastanke na visokom nivou koji su uslijedili nakon toga, na kojima su nekadašnji protivnici prihvatili nov i konstruktivan pristup u rješavanju dugotrajnih problema.

“Građanima BiH su do sada uskraćivane mnoge prednosti koje dolaze se značajno unapređenom klimom u regionu”, rekao je visoki predstavnik i specijalni predstavnik EU, dodavši da je razlog za to “skup i neefikasan sistem upravljanja” ovom zemljom i što politika u Bosni i Hercegovini “ne ide u korak s vremenom”.

“Moguće je *učiniti* da sistem funkcioniра ako postoji *volja* da se to uradi”, rekao je visoki predstavnik i specijalni predstavnik EU, “ali volja koja je tako obilato pokazana u nekoliko posljednjih mjeseci u cijelom regionu tek treba da se počne manifestovati i u samoj Bosni i Hercegovini”.

Inzko je rekao da je ovo kriva procjena jer “birači u BiH ne

žele ono što su već imali. Oni žele pozitivne promjene, oni žele da budu dio ove nove arhitekture, žele iste promjene koje su vidjeli u susjednim zemljama. To zahtijeva politički zaokret, a pitanje nije *da li će* nego *kada će* do toga doći”.

“To se može čak dogoditi i u toku izborne kampanje – može se odraziti na izborima 3. oktobra. Ili može biti potrebno duže vrijeme, što bi bila velika šteta jer to znači da bi građani BiH trebali još čekati prije nego budu mogli uživati u prednostima koje već uživaju njihovi susjedi”.

Visoki predstavnik i specijalni predstavnik EU je rekao da Bosna i Hercegovina, sa svojim ogromnim ljudskim i prirodnim resursima, ima šansu da ostvari ogromne koristi od “nove volje za nalaženje rješenja, za *pregovaranje* o rješenjima, za *stvarnje* rješenja” u regionu.

“Budućnost pripada hrabrima – i kreativnima i inkluzivnima i konstruktivnima i inovativnima i optimistima”, rekao je Inzko. Iako se neki možda protive promjenama, “ne mogu to raditi zauvijek, a u narednim mjesecima i u Bosni i Hercegovini se mogu ostvariti isti pomaci koji su od početka ove godine načinjeni u cijelom regionu ”.

Puni tekst govora visokog predstavnika i specijalnog predstavnika EU dostupan je na adresama www.ohr.int i www.eusrbih.eu